


Alkitab Anggen Anak Alit

Dane Daud, si Pengangon



Kasurat olih: Edward Hughes

Kaperagayang olih: Lazarus
Alastair Paterson

Ka tempa saking: Ruth Klassen

Ka dwi aksarayang olih: Ni Luh Mastri Ayu Caerina;
Pdt I Gusti Made Alit Purya

Kakaryanin olih: Bible for Children
www.M1914.org

©2024 Bible for Children, Inc.

Perarem: Ida dane dados nerjemahang utawi nyalin carita puniki,
nanging nenten dados ke adol.


Makudang-kudang tiban ane sube lewat, dugase dane Saul nyeneng ratu, ade anak adiri ane madan Daud nulungin beli-belinnyane ngangonan kambing domba bapan nyane. Yadian Daud anak muani paling cerike, Daud jeg siteng pesan, dane masi tusing nawang jekeh, tresna asih lan percaya ring Ida Sang Hyang Widi, Dane

nengil di salah sinungalin kota ane

maadan kota Betlehem.



Sedekan dine anu ade singa besik ane nguber lakar ngamah kambing dombane. Dane Daud, anak cerik totonan ngelawan. Ngedeng kambing domba ne ento, dane ngejuk singa ne ento tur matiange. Dane Daud percaya Ida Sang Hyang Widi ngiyangin Dane.




3

Dane Samuel, nabi kaulan Ida Sang Hyang Widi, enu merase sedih pesan uli karena dane Saul tusing nyak ninutin titah Ida Sang Hyang Widi. "Buin kudang lemeng cening lakar sedih buat dane Saul?" Ida Sang Hyang Widi Wasa nglemekan dane Samuel. "Nire ngutus cening kemo ke umah dane Isai" ... Nire sube nyawisang raja adiri uli pianak-pianak ne.




4

Dane Isai ento makedadi bapan nyane dane Daud. Yadian dane Samuel uning sujatine Raja Saul lakar pedih tur lakar ngematiang dane uli krana milih raja ane lenan. Nabi Samuel jeg tetep ninutin titah Ida Sang Hyang Widi.



5

Rikale dane Samuel sube neged di umah dane Isai, dane Isai nunden pepitu pianakne ane muani-muani lewat di arepan dane Samuel. Raris dane Samuel ngandika ring dane Isai, "Ida Sang Hyang Widi tusing je ade milih pianak-pianakne ento." Ane nu ade mesise tuah dane Daud, pianak nyane anak paling cerike. Ia sedeng ngangonang kambing dombane di tegalane. Ia ngajak dane Daud masuk, lan Ida Sang Hyang Widi Wasa mesabda buke kene, "Bangun je cening, sriokin je ia aji lengis, Ulun ane milih ia dadi ratun Israele."




6

Di istana raja Saul, Roh Ida Sang Hyang Widi nilarin raja Saul tur dane raja Saul merasa dadi anak paling pelihe. Parekan-parekan danene mepineh buke kene, asanange musik ane melah pasti lakar ngeranayang pikiran dane raja Saul merasa tenang. Salah sinunggaling parekan dane Saul nawang ade anak truna ane bisa main kecapi duweg pesan. Nyen ade ane nawang adan anak trunane ento? Nah peneh pesan, adane Daud.




7

Musik dane Daud ngranayang dane Saul tenang saha nulungin dane apange nyidang mepineh ane beneh. Dane Saul ngidih tekenin dane Isai apange ngemaang dane Daud tetep nengil di istana, tur apange ditu dane dadi pengayah raja Saul. Kali ape je dane raja Saul maan serangan depresi tur merasa takut, dikalane ento dane Daud lakar main kecapi pabuat dane raja Saul.




8

Sesubane dane Daud mulih ke umahne, dane Saul meperang tekenin wong Filistine. Beli-beline dane Daud masi milu meperang ajake tentara-tentarane dane raja Saul. Dane Isai ngutus dane Daud ke medan perang apange dane ngabang beli-beline dedaran saha nawang kenken sujatine keadaan beli-beline ditu.



9

Ade anak Filistin adiri ane meawak gede pesan, adane Goliat, ia ngranayang makejang tentara Israele merasa takut pesan.



10


"Pilih je anak adiri ring pantaran caine, tur bang ia teke mai apange ia ngelawan icang." Keto sombong nyane Goliat ngomong. "Yen ia nyidang mesiat tur nyidang mengematiang icang, icang lan wong Filistine lakar dari parekane. Sekawale yen icang nyidaang ngematiang ia, cai makejang harus dadi panjak tur dadi pengayah icange." Makejang wong



Israele ane nyaksiang jeleme raksase ane gede ento, melaib ngejohin ia uli krana takut.


11

Ditu lantane dane Daud matur ring dane Saul, "Sampunang je wenten anak ane putus asa uli krane Goliat; parekan penyeroane pacang meyude ngelawan wong Filistin totonan." Dane Saul dot pesan apange dane Daud nganggon baju ane biasa anggone teken para tentarane meperang keto masi apange dane Daud nyak ngabe pedang. Sakewala dane Daud tuah nyemak ketapel danene tur nuduk batu cerik lelime di tukade.




12

Dane Goliat kedek ngakak ningalin dane Daud anak ane nu muda pesan, buine tusing nganggo baju perang/zirah. "Icang lakar nadiang bangken caine dadi amah-amahan kedise lan apange cai dadi amah-amahan buron-buronane ane ade di alase!" Keto ane dadi ancaman dane Goliat.




13

"Icang ene mai ngelawan cai tusing aji tombak miwah pedang, sakewala icang lakar ngalahang cai tuah malarapan parab Ida Sang Hyang Widi Wasa ane maha kuasa, ane nistayang cai ento," pesaur dane Daud. "Didinane ene Ida Sang Hyang Widi Wasa lakar ngalahang cai aji liman icange...uli krane peperangane ene ade ring tangan Ida Sang Hyang Widi."




14

Ditu lantas dane Daud melaib maikin Goliat, Sedekang ia melaib, ia nyemak batu uli kantong bajune, tur nglansutin Goliat, batune ento ngenen gidat Goliate, Goliat lantas bah mekakeb.




15

Ditu lantas dane Daud enggal-enggal nyemak pedang ane abane teken Goliat, anggongne menggal boongne. Ritatkala wong Filistin ninggalin Goliat sube mati, makejang wong Filistin melaib sambrag nyelametak duwekne padidi.



16


Dane raja Saul tusing je inget tekenin Daud ane sujatine okan dane Isai ane setate main kecapi buat ngibur dane. Dane Saul lantas ngorahin apange dane Daud milu dadi bagian pasukan tentaran bangsa Israele, lantas dane merasa cemburu uli krane kemenangan-kemenangan sane kealamin olih dane Daud. "Ane jani apa buin ane lakar bakatange, mekelo-kelo kerajaane lakar gelahange?" pepineh dane raja Saul. Uli di dinane ento dane raja Saul terus dogen ngawasin dane Daud.



17


Dane raja Saul pepinehne buin tusing je karuan-karuan. Lantas dane Daud main kecapi buat dane raja Saul apange pikiran dane raja Saul tenang. Ping telu dane raja Saul nglosor dane Daud aji tombak, Sakewala dane Daud nyidang mekelid. Dane raja Saul merasa takut pesan teken dane Daud, uli krane

dane raja Saul sube nawang Ida Sang Hyang Widi Wasa ane ngiyangin dane Daud, tungkalikanne Ida Sang Hyang Widi Wasa sube nilarin dane Saul.



18

Yonatan okan dane raja Saul, tresna pesan tekenin Daud, buke sube dadi nyamane padidi. "Ajin tiange Saul edot pesan lakar ngematiang Daud," Dane Yonatan micekin Daud. Lantas ditu dane Daud melaib nyelametak dewek. Kurenanane ngejang boneka di pesirepane, tur nepang ia pesu uli jendelane, di tengah petenge. Ritatkala para pareken dane Saul teke semengane, dane Daud sube tusing ade ditu.



19

Dane Daud ngalih tongos ngungsi apange joh uli dane raja Saul. Setondene ia ngungsi, ia ngae perjanjian tekenin Yonatan. Ia ajake dadue mejanji lakar setata saling tulungin. Majalaran hati tur perasaan sedih pesan, makakalih sahabat ento mepamitan. Dane Daud ngalih tongos apange ia bise idup tenang sawireh tusing tawange tekenin



20

Dane Daud, si Pengangon


Wenten katuturan carita saking pengandika Ida sang Hyang
widi mewasta Alkitab,

dados sobyahang ring

1 Samuel 16-20

“Pemargin saking pengandika Ida Ngicenin Karahayuan.”
Mazmur 119:130

21



19

60

22

Carita ring Alkitab puniki nyaritayang indik Ida Hyang Widhi
mahotama sane ngripta iragane tur sane mapikayun iraga nguningin Ida.

Ida Hyang Whidi uning iraga sampun melaksana sane iwang, sane kaucap antuk
papa. Papongoran antuk jadmā sane melaksana papa inggih punika lepas utawi padem,
sakewanten Ida Hyang Whidi dahat sutresna. Ida raris ngutus okan Idane sane meraga
tunggal, sane mapesengan Ida Hyang Yesus Kristus, mangda Ida lepas ring taru Salib
tur kapongor sangkaning kaiwangan iragane. Ida Hyang Yesus urip malih tur mantuk
ka Surga loka! Yening ragane pracaya indik Ida Hyang Yesus tur mapinunas mangda
Ida ngicenin pangampura antuk keiwangan-kaiwangan iragane, Ida jagi nglaksanayang!

Ida jagi rauh tur meneng ring sejeroning pareragan ragane sane mangkin,
tur ragane jagi nyeneng sareng Ida ngantos riwekasan.

Yening ragane pracaya indik kepatutan punika, nikaang puniki ring Ida Hyang Widhi:
Ida Hyang Yesus, tityang pracaya pareragan Idane sawiakti Ida Hyang Parama Kawi,
nanging Ida nyeneng dados manusa sane lepas santukan nebasin kaiwangan iragane,
tur sane mangkin Ida pacang urip malih. Dumogi Ida rauh ring kauripan iragane lan
ngicen pangampura antuk keiwangan iraga makesami, sane ngawinang irage madue
keuripan sane anyar tur buin pidan irage pacang meraga siki sareng Ida. Wantu
tityang satinut sareng titah Idane tur idup daos pianak Ida, Amin.

Ngiring ngewacen Alkitab tur mapitutur sareng Ida Hyang Widhi ngerahina! Yohanes 3:16

23